



Nezavisna komisija za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud sa zakonom Bosne i Hercegovine

---

Број/Број: 03-50-1-1033-3/10

Сарајево/Sarajevo, 4.11.2010.

## ZAPISNIK

3. sjednice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine (u daljnjem tekstu: Nezavisna komisija), održane 4.11.2010., s početkom u 12 sati

**PRISUTNI ČLANOVI NEZAVISNE KOMISIJE:** dr. sc. Mile Lasić, Semiha Borovac, Predrag Crnogorac, mr. sc. Damir Čačković i Milana Škipina.

**OSTALI PRISUTNI:** Eldina Smailagić, privremeni sekretar Nezavisne komisije.

Sjednicu je otvorio i njome predsjedavao predsjednik Nezavisne komisije dr. sc. Mile Lasić.

Za sjednicu je predložen sljedeći

## DNEVNI RED

1. Usvajanje zapisnika 1. i 2. sjednice Nezavisne komisije;
2. Usvajanje Prijedloga zahtjeva Kolegiju Sekretarijata Parlamentarne skupštine Bosne i Hercegovine;
3. Razmatranje Prijedloga poslovnika o radu Nezavisne komisije;
4. Razmatranje Prijedloga odluke o službenoj legitimaciji članova Nezavisne komisije;
5. Tekuća pitanja.

Dnevni red usvojen je jednoglasno bez dodatnih prijedloga i sugestija, nakon čega se prešlo na raspravu o pojedinačnim tačkama.

### Ad.1. Usvajanje zapisnika 1. i 2. sjednice Nezavisne komisije

Zapisnici 1. i 2. sjednice Nezavisne komisije usvojeni su jednoglasno.

U okviru ove tačke dnevnog reda predsjednik Nezavisne komisije upoznao je članove o aktivnostima koje su vođene u proteklom periodu. U vezi s objavljivanjem Odluke o imenovanju predsjednika, prvog i drugog zamjenika predsjednika Nezavisne komisije, kao i drugih akata Nezavisne komisije u „Službenom glasniku BiH“, predsjednika Nezavisne

komisije informirao je sekretar Doma naroda Parlamentarne skupštine BiH da ne postoji potreba da se navedena odluka objavljuje jer je potvrđena zapisnikom Nezavisne komisije. S obzirom da je za septembar bila zakazana posljednja sjednica Zajedničke komisije za administrativne poslove u ovoj godini, bilo je potrebno brzo djelovanje kako bi Zajednička komisija za administrativne poslove odobrila neophodna finansijska sredstva za rad Nezavisne komisije u 2010. i 2011. godini. S tim u vezi, predsjednik Nezavisne komisije je s članom Nezavisne komisije Predragom Crnogorcem, a prema Procjeni potreba za uspostavljanje preventivnih mehanizama protiv mučenja za BiH, od 21.7.2010., koju je izradio OSCE, pripremio Prijedlog plana rada Nezavisne komisije za 2011. godinu kojim su bila predviđena finansijska sredstva u iznosu od 266.000 KM. Međutim, nevedenu projekciju od 266.00 KM bilo je potrebno smanjiti, obrazložiti svaku stavku i isključiti troškove koji su bili predviđeni za opremu neophodnu za rad Nezavisne komisije, a koju će osigurati Parlamentarna skupština BiH. Iz navedenih razloga projekcija finansijskog plana Nezavisne komisije prilagođavana je nekoliko puta, tako da su u konačnoj verziji za rad Nezavisne komisije u 2011. godini predviđena sredstva u iznosu od 145.000 KM koja je u pomenutom iznosu i odobrila Zajednička komisija za administrativne poslove Parlamentarne skupštine BiH.

Za riječ se zatim javila prva zamjenica predsjednika Nezavisne komisije Semiha Borovac koja se zahvalila predsjedniku na trudu koji je uložio kako bi Nezavisna komisija imala potrebna sredstva i uslove za rad. Gospođa Borovac istaknula je da su odobrena sredstva za 2011. godinu solidna i da Nezavisna komisija u narednoj godini treba svoju aktivnost usmjeriti prvenstveno na posjete zatvorima, s čime su se saglasili i ostali članovi Nezavisne komisije.

Predsjednik Nezavisne komisije pojasnio je da je potrebno na osnovu odobrenog Programa za rad Nezavisne komisije donijeti detaljan plan rada za 2011. godinu.

## **Ad.2. Usvajanje Prijedloga zahtjeva Kolegiju Sekretarijata Parlamentarne skupštine BiH**

U okviru ove tačke dnevnog reda članovi Nezavisne komisije razmotrili su Prijedlog zahtjeva Kolegiju Sekretarijata Parlamentarne skupštine BiH te su ga jednoglasno usvojili.

## **Ad.3. Razmatranje Prijedloga poslovnika o radu Nezavisne komisije i Prijedloga odluke o službenoj legitimaciji članova Nezavisne komisije**

Članovi Nezavisne komisije su u okviru ove tačke dnevnog reda razmatrali Prijedlog poslovnika o radu i Prijedlog odluke o službenoj legitimaciji članova Nezavisne komisije.

U raspravi koja je vođena među članovima Nezavisne komisije istaknuto je da je potrebno u Poslovniku o radu Nezavisne komisije predvidjeti na koji će se način vršiti posjete i kontrole u zatvorima, koje će se radnje obavljati i kojim redoslijedom ili da se to precizira u radnom nalogu. Osim toga, postoji potreba da se kontaktira s OESC-om radi prikupljanja podataka o načinu rada istih ili sličnih komisija koje postoje u zemljama u okruženju. Članovi Nezavisne komisije iznijeli su i zajednički stav da se odredbe o službenoj legitimaciji članova Nezavisne komisije unesu u Poslovnik o radu Nezavisne komisije.

Nakon rasprave Nezavisna komisija jednoglasno je usvojila zaključak:

Usvaja se Prijedlog poslovnika o radu Nezavisne komisije i Prijedlog odluke o službenoj legitimaciji članova Nezavisne komisije kao jedan dokument pod nazivom Poslovnik o radu Nezavisne komisije.

#### **Ad.4. Tekuća pitanja**

U okviru ove tačke dnevnog reda članovi Nezavisne komisije utvrdili su da se sjednice održavaju svakog posljednjeg četvrtka u mjesecu.

S obzirom da nije bilo drugih pitanja, predsjednik je u 14 sati zaključio sjednicu.

PRIVREMENI SEKRETAR

NEZAVISNE KOMISIJE

Eldina Smailagić

PREDSJEDNIK

NEZAVISNE KOMISIJE

dr. sc. Mile Lasić